



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Սաների մեջ ինքնուրույնության, նախաձեռնողականության և ստեղծագործական ունակությունների զարգացումը

Դաստիարակ՝ Գրետա Գրիգորյան

Մանկապարտեզ՝ «ՀՀ լոռու մարզի Սպիտակ համայնքի Մեծ Պարնու մանկապարտեզ» ՀՈԱԿ

2023թ.

Բովանդակություն

Ներածություն.....	3
ԳԼՈՒԽ 1 Ինքնուրույնության, նախաձեռնողականության և ստեղծագործական ունակությունների զարգացումը նախադպրոցական տարիքում	
1.1 Սաների ինքնուրույնության, նախաձեռնողականության եվ ստեղծագործական ունակությունների առանձնահատկությունները	5
1.2 Երեխայի ինքնուրույնության, նախաձեռնողականության եվ ստեղծագործական ունակությունների գործնության կազմակերպման ձևերը.....	8
ԳԼՈՒԽ 2 Փորձարարական հետազոտություն ուղղված կրտսեր 2-րդ նախադպրոցական տարիքի երեխաների ինքնուրույնության, նախաձեռնողականության և ստեղծագործական ունակությունների ձևավորմանը	
2.1 Ինքնուրույնության, նախաձեռնողականության և ստեղծագործական ունակություններին զարգացմանը նպաստող, թեմատիկ պլանավորում կրտսեր 2-րդ խմբում.....	11
Եզրակացություն.....	16
Գրականության ցանկ	17

Ներածություն

Մանկական ինքնուրույնությունը, նախաձեռնողականությունը և ստեղծագործական ունակությունները վերջի ժամանակներում բավականին լայն քննարկման թեմա է դարձել: Արդեն 3 տարեկանում երեխաների մոտ կտրուկ աճում է մեծերից կախված չլինելու ձգտումը ինչպես գործողություններում, այնպես էլ ցանկություններում: Ժ.Ժ. Ռուսոն ասել է՝ «Երեխան ունի առանձահատուկ տեսնելու, մտածելու և զգալու իր ունակությունները: Չկա ավելի հիմար բան, քան փորձել փոխարինել դրանք մեր ունակություններով»¹:

Թեմայի արդիականությունը. Մաների ինքնուրույնության, նախաձեռնողականության և ստեղծագործական ունակությունների զարգացման հարցը մինչ օրս համարվում է նախադպրոցական մանկավարժության արդի խնդիրներից: Արդիական է այն, թե ինչպես առավելագույն կերպով կազմակերպել ուսումնական գործընթացը նախադպրոցական տարիքի երեխաների ինքնուրույնության, նախաձեռնողականության և ստեղծագործական ունակությունների ձևավորման ուղղությամբ: Նախադպրոցական տարիքը անձի ձևավորման սկիզբն է: Շատ հատկանիշներ որոնցից են՝ վարքը, բնավորության գծերը և այլ տարբեր հատկությունների զարգացման հիմքերը դրվում են հենց նախադպրոցական տարիքում: Նախադպրոցական տարիքում են սկսում ի հայտ գալ և ձևավորվել երեխայի բարոյական և կամային դրսևորումները, որոնց անմիջական ընթացքը նպատակաուղղված ուղղորդման կարիք ունի դաստիարակող մեծահասակների կողմից: Վերջին տարիներին այս հարցը գնալով դառնում է գիտնականների, ուսուցիչների և մանկավարժների մեծ ուշադրության առարկա:

Հետազոտության նպատակն է՝ ուսումնասիրել և ներկայացնել սաների մեջ ինքնուրույնության, նախաձեռնողականության և ստեղծագործական ունակությունների

¹ <https://hanragitak.com/%D5%A1%D6%86%D5%B8%D6%80%D5%AB%D5%A6%D5%B4%D5%B6%D5%A5%D6%80-%D5%A5%D6%80%D5%A5%D5%AD%D5%A1%D5%B6%D5%A5%D6%80%D5%AB-%D5%B4%D5%A1%D5%BD%D5%AB%D5%B6/>

զարգացումը: Մշակել թեմատիկ պլանավորում, որտեղ ավելի տեսանելի կլինի, նախադպրոցական տարիքի երեխանների ինքնուրույնությունը, նախաձեռնողականություն և ստեղծագործական ունակությունները:

Հետազոտական աշխատանքի ընթացքը և բաժինները՝

- Ներկայացնել սաների ինքնուրույնության, նախաձեռնողականության եվ ստեղծագործական ունակությունների առանձնահատկությունները,
- Ուսումնասիրել երեխայի ինքնուրույնության, նախաձեռնողականության եվ ստեղծագործական ունակությունների գործնետության կազմակերպման ձևերը,
- Կատարել ինքնուրույնության, նախաձեռնողականության և ստեղծագործական ունակություններին զարգացմանը նպաստող, թեմատիկ պլանավորում կրտսեր 2-րդ խմբում

հետազոտական աշխատանքը բաղկացած է՝ բովանդակությունից, ներածությունից, 2 գլուխներից և ենթագլուխներից, եզրակացությունից և գրականության ցանկից:

Հետազոտական աշխատանքը կազմված է 17 համակարգչային էջերից:

**ԳԼՈՒԽ 1. ԻՆՔՆՈՒՐՈՒՅՆՈՒԹՅԱՆ, ՆԱԽԱՋԵՌՆՈՂԱԿԱՆՈՒԹՅԱՆ ԵՎ
ՍՏԵՂԾԱԳՈՐԾԱԿԱՆ ՈՒՆԱԿՈՒԹՅՈՒՆՆԵՐԻ ԶԱՐԳԱՑՈՒՄԸ ՆԱԽԱԴՊՐՈՑԱԿԱՆ
ՏԱՐԻՔՈՒՄ**

**1.1 Սաների ինքնուրույնության, նախաձեռնողականության եվ
ստեղծագործական ունակությունների առանձնահատկությունները**

Ինքնուրույնությունը սեփական կյանքը կազմակերպելու, սեփական հոգևոր, մտավոր հնարավորությունները գիտակցելու, գնահատելու և ըստ այդմ իր զարգացման ուղին ընտրելու մարդու ընդունակությունն է, նաև անհատին հատուկ ու բնագոյային հատկություններից մեկը, որին անձը ձգտում է ծնված օրվանից: Ինքնուրույն՝ մյուսներից անջատ մարդ լինելու ընդգծված ցանկությունն ու զգացողությունը կտրուկ փոխում է երեխայի զարգացման սոցիալական իրադրությունը, քանի որ Էական են դառնում մեծահասակների հետ հաստատվող այն հարաբերությունները, որոնք պայմանավորված չեն կոնկրետ իրողությամբ, իրադրությունից դուրս են: Եթե վաղ տարիքում «Մենք» սոցիալական իրավիճակում երեխայի զարգացման համար որոշիչ են իրադրային-ճանաչողական հարաբերությունները, ապա նախադպրոցական տարիքում՝ ինքնագիտակցության զարգացման հետ մեկտեղ ձևավորվում և բուռն զարգանում են երեխայի անձնային հարաբերություններ, որոնք, կարծես, հաստատում են նրա անկախությունը մեծահասակներից և դարձնում նրան ինքնուրույն մարդ: Արտաիրադրային հարաբերությունների առկայությունը խոսում է «Մենք» կառույցի փլուզման մասին և ազդարարում զարգացման նոր փուլի սկիզբը: Ֆիզիկապես առողջ երեք տարեկան երեխան ներքուստ ձգտում է ինքնուրույնության և իմացական ակտիվության, նա, իհարկե, կարիք ունի մեծահասակների օգնության, սակայն ուղղակի կախված չէ նրանցից: Անկախության ներքին զգացողությունը երկակի է ընկալվում երեխայի կողմից՝ նա մի կողմից ուրախ է ինքնուրույնության փաստից, մյուս կողմից՝ անհանգստացած, քանի որ վստահ չէ սեփական կարողությունների մեջ և այնուամենայնիվ ձգտում է մեծահասակների հետ համագործակցության: Նշված ներքին հակասությունը նախադպրոցականի զարգացման

հիմնական գործոնն է, շարժիչ ուժը: Երեխան ջանում է ճանաչել աշխարհը առանց մեծահասակների անմիջական մասնակցության և դիմում է նրանց միայն ծայրահեղ անհրաժեշտության դեպքում: Արտաքին աշխարհի ինքնուրույն ճանաչումը երեխան սկսում է սեփական մարմնի ուսումնասիրություններով, որին հաջորդում է այլ մարդկանց և նրանց հարաբերությունների գնումը: Սեփական մարմինն ու արտաքին տեսքը մանրակրկիտ ուսումնասիրելու արդյունքում, նախադպրոցականը հայտնաբերում է, որ տարբերվում է մյուսներից, որ մարդիկ ընդհանրապես տարբեր են: Մարդկանց և նրանց հարաբերությունները գնելով, երեխան փորձում է հաստատել սեփական ինքնությունը շրջապատող միջավայրում: Սեփական «Ես»-ի գիտակցումը, սեփական վարքագիծը հասկանալու և մյուսներին բացատրելու պատրաստականությունը, գնալով աճող հետաքրքրությունը հասարակական կյանքի հանդեպ, երեխայի մեջ ձևավորում է որոշակի ներքին դիրքորոշում, որը փորձարկվում և գիտակցվում է հասակակիցների միջավայրում: Մեծահասակների հետ համատեղ գործունեությունը կորցնում է իր նախկին գերակայող նշանակությունը և առաջնային են դառնում հասակակից ընկերների հետ հաստատվող հարաբերությունները:

Սների ստեղծագործական կարողությունը զարգացնելու կարևորությունը, նախաձեռնությունն ցուցաբերելու, հորինելու և ցանկացած կրթական խնդիր լուծելու նրա կարողությունը ակնհայտ է բոլորի համար: Ստեղծագործության և ուսուցման գործընթացը փոխկապակցելով, ակնհայտորեն, մենք պետք է խոսենք այնպիսի պայմանների ստեղծման մասին, որոնք կնպաստեն բոլոր մարզված որակների և հակումների առաջացմանն ու զարգացմանը, որոնք սովորաբար առանձնացվում են որպես ստեղծագործ անհատականության բնորոշ հատկանիշներ: Դպրոցի արդյունավետությունը որոշվում է նրանով, թե որքանով է կրթական գործընթացն ապահովում աշակերտների ստեղծագործական կարողությունների զարգացումը, նրանց նախապատրաստում հասարակության մեջ կյանքին:²:

² Ա.Ա.Մարության, Ա.Մ.Դալլաթյան- նախադպրոցական մանկավարժություն, Երևան 2008, էջ 35

Ստեղծագործական ընդունակությունները հարկավոր է զարգացնել երեխաների մոտ սկսած ամենավաղ տարիքից: Գոյություն ունի կարծիք, որ ստեղծագործականությունը անձի բնածին հատկությունն է, որոշ երեխաների մոտ այն առկա է, որոշների մոտ՝ ոչ: Սակայն, բազմաթիվ հոգեբանական և մանկավարժական հետազոտությունների արդյունքում պարզ է դարձել, որ բնածին կարող են լինել միայն ստեղծագործականության հակումները: Որպեսզի դրանք դառնան ստեղծագործական մոտեցումներ և ճկուն միտք, այդ հակումները պետք է մշտապես զարգացնել: Տվյալ խնդրի շուրջ առկա որոշ գրական աղբյուրների ուսումնասիրությունը ցույց է տվել, որ ստեղծագործականության խնդիրը տարբեր կերպ է մեկնաբանվում տարբեր հեղինակների, մասնագետների կողմից³:

Ինքնուրույնության և նախաձեռնողականության դաստիարակությունը պայմանավորված է նրանով, թե ինչպես է մեծահասակը ղեկավարում երեխայի գործունեությունը: Չի կարելի մեխանիկորեն վարժեցնել երեխայի ինքնուրույն գործելու ունակությունները: Նրա մեջ պետք է առաջացնել ինքնուրույն գիտելիքներ ձեռք բերելու, իր առջև ծառայած խնդիրները ինքնուրույն լուծելու ցանկություններ: Այդ ցանկություններն իրագործելու համար անհրաժեշտ է որպեսզի երեխան յուրացնի իր համար մատչելի գործելու միջոցները, հնարները: Պետք է ստեղծել նաև այնպիսի իրադրություն, որ երեխան ձգտի ինքնուրույն հասնել դրված նպատակներին, ինչպես և սովորի իր առջև ինքնուրույն դնել որևէ նպատակ և լուծել առաջացած խնդիրը:

³ <https://bodylabvenera.ru/hy/church-holidays/vazhnost-razvitiya-tvorcheskih-sposobnostei-u-detei-razvitiye/>

1.2 Երեխայի ինքնությունության, նախաձեռնողականության եւ ստեղծագործական ունակությունների գործնության կազմակերպման ձևերը

Նախադպրոցական մանկության տարիներին երեխաների ինքնությունությունը, նախաձեռնողականությունը ձևավորվում է տարբեր տիպի գործունեության ընթացքում՝ խաղայի, աշխատանքային, արդյունավետ, ուսումնական:

Խաղային գործունեություն.

Խաղը իրականության երևակայական արտացոլումն է: Այն աշխարհաճանաչման ուղի է, որի միջոցով երեխան կյանք է մտնում, հարստացնում իր զգայական փորձը, հարաբերություններ հաստատում մարդկանց հետ: Խաղալով երեխան կերտում է ինքն իրեն: Հարկ է նշել, որ նախաձեռնության, ինքնությունության, ակտիվության դաստիարակության գործում մեծ է ստեղծագործական խաղերի դերը (սյուժետադերային, կառուցողական, խաղաբեմականացումներ, խաղ-փորձարկումներ): Վերջիններս համարվում են ամենաարդյունավետը ինտելեկտուալ նախաձեռնության, ստեղծագործելու կարողությունը զարգացնելու համար: Այս խաղերի ժամանակ, արդեն ավագ տարիքի երեխաները ինքնություն են որոշում խաղի ընթացքը, բաշխում դերերը, ընթացքում հայտնում կարծիք այս կամ այն հարցի վերաբերյալ: Այդ իսկ պատճառով էլ մանկավարժը պետք է անընդհատ ընդլայնի երեխաների պատկերացումները շրջապատի վերաբերյալ, հագեցնի նրանց նոր տպավորություններով: Ամեն մի խաղ, որը կապված է ինչ-որ բան ստեղծելու, արարելու հետ, իր մեջ կրում է ինքնությունության տարրեր: Ահա թե ինչու երեխայի համար խաղալիք ընտրելիս, անհրաժեշտ է մտածել այն մասին, թե ինչ որակներ, ինչ հատկանիշներ այն կձևավորի երեխայի մեջ:

Արդյունավետ գործունեություն.

Մեծ է արդյունավետ գործունեության տարբեր ձևերի (նկարչություն, ծեփակերտում, կառուցողական աշխատանք, ապլիկացիա) նշանակությունը ինքնությունության դաստիարակության գործում: Երբ երեխան պատկերում է տարբեր

իրավիճակներ, շարժումներ, ծեփակերտում է տարբեր կերպարներ, նա ամեն ինչում նախաձեռնություն է ցուցաբերում: Այստեղ կարևոր է, որ մանկավարժը հաճախակի երեխաներին հնարավորություն տա ինքնուրույն ընտրել աշխատանքի թեման, նյութը, գույները, կոմպոզիցիոն լուծումները: Առարկայի ընկալումը գործնական ճանապարհով, ամրապնդվում է գիտակցության մեջ: Այս կամ այն առարկայի որակները, չափը, գույնը, դառնում են ոչ միայն առանձին, որոշակի առարկաների հատկանիշներ, այլ ընդհանրացվում են որպես տարբեր առարկաների բնորոշ: Երեխան արդեն կճանաչի և կանվանի այդ հատկանիշները անձանոթ առարկաների մեջ: Երախայի ուշադրությունը հրավիրելով պատկերվող իրադրությունների, մարդկանց, կենդանիների արտահայտչականության, բնորոշ մանրամասների, գույների գամմայի, ձևի վրա՝ նրան աստիճանաբար մոտեցնում ենք ընկալվածը տարրականորեն գնահատելու կարողությանը:

Ուսումնական գործունեություն.

Նախադպրոցական տարիքի երեխաների ուսուցումն իրականացվում է պարապմունքների միջոցով: Պարապմունքների ժամանակ երեխաների մոտ ձևավորվում են տարրական պատկերացումներ, ձեռք են բերում հմտություններ, կարողություններ: Տարբեր պարապմունքների ժամանակ լուծվում են ընդհանուր դիդակտիկ խնդիրներ:

Նախադպրոցականների ուսումնական գործունեության առանձնահատկություններից է նաև, որ այն սերտորեն կապված է խաղային գործունեության հետ: Ինքնուրույնության ինչպես նաև նախաձեռնության դաստիարակության ուղղությամբ, մի շարք պահանջներ են ներկայացվում նախադպրոցական տարիքի երեխաների ուսումնական գործընթացին.

- ինտելեկտուալ նախաձեռնություն
- հետաքրքրությունների շրջանակի հնարավոր ընդլայնում
- առաջարկվող ուսումնական նյութի բովանդակության բարդացումը խորացման և աբստրակտացման միջոցով
- դիվերգենտ մտածելակերպի զարգացում⁴:

⁴ <https://lib.amedu.am/article/9253>

Հնարավորությունները առավելագույնի հասցնելու և երեխայի հաջող ստեղծագործական զարգացմանը խթան տալու համար անհրաժեշտ է կազմակերպել անհրաժեշտ պայմաններ.

1. Վաղ ֆիզիկական զարգացում. Ֆիզիկական գործունեությունը, որը սկսվում է երեխայի առաջին ամսից, առաջին քայլն է նախադպրոցական տարիքի երեխայի ստեղծագործական կարողությունների հիմքերը դնելու, այնուհետև մեծահասակների համար:

2. Ստեղծել միջավայր, որը գերազանցում է երեխայի զարգացմանը: Հնարավորության դեպքում երեխան պետք է շրջապատված լինի մի բանով, որը կխրախուսի նրան գործել ստեղծագործական մոտեցմամբ:

3. Բարդություն և առաջադրանքների քանակի ավելացում. Ցանկացած ունակություն զարգանում է հնարավորինս հաջող, եթե նշաձողը մշտապես բարձրացվի: Փոքր երեխաներին շրջապատող աշխարհի մասին սովորելու գործընթացը շատ ինտենսիվ է, և նրանք միշտ չէ, որ կարող են օգտագործել մեծահասակների փորձը:

4. Գործունեության ընտրության հարցում ավելի մեծ ազատության ապահովում. Թող երեխան ընտրի, թե ինչ է ուզում անել և որն է իր համար ավելի հետաքրքիր այս պահին:

5. Մեծահասակների օգնությունը աննկատ է և ողջամիտ: Երեխային տրված ազատությունը ոչ մի դեպքում չպետք է վերածվի ամենաթողության: Բացի այդ, դուք չպետք է հուշեք երեխային, թե որտեղ նա հավանաբար ինքնուրույն կմտածի այդ մասին: Ակնարկը արջի ծառայություն է մեծերի կողմից:

6. Հարմարավետ հոգեբանական կլիմա. Ընտանիքում ջերմ մթնոլորտը, մանկապարտեզում ընկերական հարաբերությունները երեխաների ստեղծագործական կարողությունների զարգացման կարևոր նախապայման են⁵:

Այսպիսով, կարելի է եզրակացնել, որ յուրաքանչյուր երեխա ունի ստեղծագործական ունակություններ, ցանկանում է լինել ինքնուրույն և նախաձեռնող: Հենց անհատական-հոգեբանական հատկանիշներն են տարբերում մեկ մարդուն մյուսից: Այս անհատականության ձևավորումն այսօր ձեռք է բերում ոչ միայն տեսական, այլև գործնական մասով:

⁵ <https://bodylabvenera.ru/hy/church-holidays/vazhnost-razvitiya-tvorcheskih-sposobnostei-u-detei-razvitiye/>

**ԳԼՈՒԽ 2. ՓՈՐՁԱՐԱՐԱԿԱՆ ՀԵՏԱԶՈՏՈՒԹՅՈՒՆ ՈՒՂՂՎԱԾ ԿՐՏՄԵՐ 2-ՐԴ
ՆԱԽԱԴՊՐՈՑԱԿԱՆ ՏԱՐԻՔԻ ԵՐԵԽԱՆԵՐԻ ԻՆՔՆՈՒՐՈՒՅՆՈՒԹՅԱՆ,
ՆԱԽԱԶԵՌՆՈՂԱԿԱՆՈՒԹՅԱՆ ԵՎ ՍՏԵՂԾԱԳՈՐԾԱԿԱՆ ՈՒՆԱԿՈՒԹՅՈՒՆՆԵՐԻ
ՁԵՎԱՎՈՐՄԱՆԸ**

**2.1 Ինքնուրույնության, նախաձեռնողականության և ստեղծագործական ունակություններին
զարգացմանը նպաստող, թեմատիկ պլանավորում կրտսեր 2-րդ խմբում**

Խումբ - Կրտսեր 2-րդ

Ամսաթիվ – 13.12.2023

Միջավայրը- խմբասենյակ

Տեսակը – Ինտեգրված

Առարկա – Խոսքի զարգացում, ապլիկացիա

Թեմա – <<Նոր տարվա ցանկություն >>

Պարապմունքի տևողությունը – 20 րոպե

Վերջնարդյունք՝

- Կզարգանա նախաձեռնողականությունը,
- Կկատարեն ինքնուրույն աշխատանքներ,
- Կբացահայտեն սեփական ստեղծագործական ունակությունները:

Նպատակը՝

- Նպաստել ինքնակազմակերպմանը, ինքնուրույն մտածելու կարողությանը,
- Բացահայտել ստեղծագործական երևակայությունը ,
- Զարգացնել նախաձեռնողականությունը,

- Իրականացնել խմբասենյակի տոնական ձևավորումը և ամանորյա բացիկի պատրաստումը, երեխաների նախաձեռնողականությամբ:

Խնդիրները՝

- Խոսքի միջոցով ճանաչել բնության երևույթները,
- Նախաձեռնելու և ստեղծագործելու ունակությունների զարգացում,
- Ինքնուրույն առաջնորդվելու կարողություն :

Անհրաժեշտ նյութեր և պարագաներ՝ ամանորյա պարագաներ ձևավորելու համար, գունավոր թուղթ, վրձին, յուղաներկ ապլիկացիայի համար:

Դասի ընթացքը՝

Խթանում

Սկիզբը սկսում ենք Համո Սահյանի <<Եղևնին>> բանաստեղծության ընթերցմամբ, բանաստեղծությունը ընթերցում ենք կրճատումներով:

Անտառից եկած կանաչ եղևնին

Հիշում է կանաչ իր ընկերներին...

Գարուն է բերել այս ձմռան օրով

Եվ տուն է մտել կանաչ շորերով:

Ե՞րբ են նրա մոտ այսքան մանուկներ

Երգել ու պարել մինչև ուշ գիշեր:

Այնպես հպարտ է նայում աշխարհին,

Կարծես հենց ինքն է բերել Նոր տարին:

Իմաստի ընկալում՝

Ուղղորդող հարցերի միջոցով խրախուսենք երեխաներին՝ արտահայտել իրենց միտքը, պատմելու իրենց ցանկությունների մասին.

Դաստիարակը հարցնում է՝

-Ի՞նչ ցանկություններ եք ուզում հղել Ձմեռ պապին

-Ինչպե՞ս են մարդիկ պատրաստվում Ամանորին:

-Ինչպե՞ս ենք զարդարելու խմբասենյակը:

-Ի՞նչ տոնական երգեր ու բանաստեղծություններ եք սովորել:

Դաստիարակը կարճ պատմություն է հորինում այն մասին, թե ինչպես էր ինքը պատրաստվում Ամանորին և ինչ էր խնդրում Ձմեռ պապից, երբ փոքր էր: Հետո առաջարկում է երեխաներին նույն օրինակով պատմել իրենց ցանկությունների և տոնական նախապատրաստության մասին: Հարցնում ենք՝ 2-3 երեխայի, մյուսները կարող են լրացնել և ասել իրենց ցանկությունների մասին: Այս տարիքային խմբում բավարար է, որ երեխաները կարողանան արտահայտել իրենց ցանկությունները, պատմել, թե ինչ բանաստեղծություններ գիտեն: Վերջում օգնում ենք, որպեսզի վերնագիր՝ հորինեն պատմության համար: Օրինակ՝ «Ուրախ Նոր տարի», «Ցանկություն՝ ուղղված Ձմեռ պապին», «Նվեր Ձմեռ պապից»: Ցանկալի է, որ Նոր տարվա հանդեսի օրը երեխաները Ձմեռ պապից ստանան իրենց երազած նվերները:

Երեխաներին ենք հանձնում ամանորյա խաղալիքներ, զարդարանքներ և առաջարկում զարդարել տոնածառը և խմբասենյակը ինքնուրույն՝ իրենց նախաձեռնողականությամբ, զարկ տալով ստեղծագործական ունակությունների զարգացմանը: Այնուհետև պատրաստում ենք բացիկներ մեր ցանկությունները Ձմեռ պապին փողանցելուն համար, երեխաներին տալիս ենք գունավոր թղթեր՝ ծավված վիճակում, յուղաներկեր և առաջանկում ենք բացիկի վրա նկարեն Ձմեռը իրենց պատկերացմամբ:

Կշռադատում

Պարապմունքը ամփոփում ենք եղննու մասին հանելուկով.

Ամառ, ձմեռ կանաչ հագած՝

Անտառում մի ծառ է կանգնած,

Տրեմուտին թե տուն բերես,

Կգարդարի տոնահանդես:

Պարապմունքի ողջ ընթացքում կատարեցին դիտարկում՝

Միջին խմբի դաստիարակ՝ Լիլիթ Բադալյանը.

<< - Պարապմունքը բավականին հագեցած և բովանդակալից էր: Դաստիարակը կարողացավ հասնել իր առջև դրված նպատակին և նպաստել երեխաների ինքնուրույնությանը, նախաձեռնողականությանը և ստեղծագործական ունակությունների զարգացմանը: Պարապմունքի արդյունքում՝ երեխաները կարողացան ճանաչել բնության երևույթները, զարգացավ նրանց ստեղծագործելու ունակությունը, ինքնուրույն առաջնորդվելու կարողությունը:

Երեխաները պարապմունքի ընթացքում շատ ուրախ էին և հետաքրքրությամբ հետևում էին մատուցվող նյութին:

Դաստիարակի կողմից հետազոտվող թեմայի կարևորությունը մեծ է նախադպրոցական կրթության զարգացման մեջ: Երեխաները նախադպրոցական տարիքում են ձեռք բերում աշխարհաճանաչողության կարևորագույն շատ տարրեր, ինչպիսիք են՝ ինքնուրույնությունը, ստեղծագործականությունը, նախաձեռնողականությանը: Երեխայի ինքնուրույնությունը շատ կարևոր է, թե՛ ընտանիքում, թե՛ նախաուսումնական հաստատությունում իր կենցաղավարման համար: Ինչպես նաև ստեղծագործական ունակությունների զարգացումը և նախաձեռնողականությունը: >>

Տնօրեն՝ Գոհար Հովհաննիսյանը.

<< - Դաստիարակ Գրետա Գրիգորյանը իր պարապմունքի ընթացքում իրականացրեց բավականին հետաքրքիր և ստեղծագործ աշխատանք:Պարապմունքի ընթացքում դաստիարակը կարողացավ հասնել իր առջև դրված նպատակին՝ բացահայտեց երեխաների ստեղծագործական երևակայությունը, նպաստեց ինքնակազմակերպմանը՝ իրականացնելով խմբասենյակի տոնական ձևավորում , որի ընթացքում երեխաները ցուցաբերեցին նախաձեռնողականություն:

Պարապմունքի ընթացքում երեխաները մեծ ոգևորությամբ մասնակցեցին խմբասենյակի տոնական ձևավորմանը, ինչպես նաև ինքնուրույն պատրաստեցին և նկարագարդեցին բացիկ՝ ուղղված Ձմեռ պապին: Դրսևորեցին ակտիվություն, ներգրավվեցին խմբային աշխատանքում: Դաստիարակի քաջալերող խոսքերի շնորհիվ երեխաները դրսևորեցին վստահություն սեփական ուժերի հանդեպ:

Հետազոտական թեմայի կարևորությունը նախադպրոցական կրթության մեջ շատ մեծ է: Որպեսզի երեխաները կարողանան լինել ինքնուրույն և ստեղծագործ, հարկավոր է նրանց թողնել ազատ, չխանգարել նրանց ինքնադրսևորմանը անկաշկանդ լինելուն:>>

ԵԶՐԱԿԱՑՈՒԹՅՈՒՆ

Այսպիսով, աշխատանքի շուրջ կատարած հետազոտության արդյունքների ամփոփումը թույլ տվեց կատարել հետևյալ եզրակացությունը.

- Երեխաներն ավելի վաղ են սկսում ինքնուրույնության փորձեր անել: Այս դեպքում կարևոր է երեխայի աջակցելու փաստը, թե դաստիարակի կողմից, և թե ծնողի:
- Ինքնուրույնության և նախաձեռնողականության դաստիարակությունը պայմանավորված է նրանով, թե ինչպես է մեծահասակը ղեկավարում երեխայի գործունեությունը: Չի կարելի մեխանիկորեն վարժեցնել երեխայի ինքնուրույն գործելու ունակությունները: Նրա մեջ պետք է առաջացնել իր առջև ծառայած խնդիրները ինքնուրույն լուծելու ցանկություններ:
- Ստեղծագործական ընդունակությունները հարկավոր է զարգացնել երեխաների մոտ սկսած ամենավաղ տարիքից: Գոյություն ունի կարծիք, որ ստեղծագործականությունը անձի բնածին հատկությունն է: Սակայն, բազմաթիվ հետազոտությունների արդյունքում պարզ է դարձել, որ բնածին կարող են լինել միայն ստեղծագործականության հակումները: Որպեսզի դրանք դառնան ստեղծագործական մոտեցումներ, այդ հակումները պետք է մշտապես զարգացնել:

Այսպիսով, նախադպրոցական տարիքի երեխաների ինքնուրույնության և նախաձեռնողականության և ձևավորմանն ուղղված փորձարարական հետազոտության աշխատանքներից երևում է, որ մանկան գործունեության հիմնական ձևերում ճիշտ կազմակերպված մանկավարժական աշխատանքի արդյունքում կարող ենք հասնել զգալի արդյունքի

Գրականության ցանկ՝

1. Ա.Ա.Մարության, Ա.Մ.Դավաթյան- նախադպրոցական մանկավարժություն, Երևան 2008, էջ 35
2. <https://hanragitak.com/%D5%A1%D6%86%D5%B8%D6%80%D5%AB%D5%A6%D5%B4%D5%B6%D5%A5%D6%80-%D5%A5%D6%80%D5%A5%D5%AD%D5%A1%D5%B6%D5%A5%D6%80%D5%AB-%D5%B4%D5%A1%D5%BD%D5%AB%D5%B6/>
3. <https://lib.armedu.am/article/9253>
4. <https://bodylabvenera.ru/hy/church-holidays/vazhnost-razvitiya-tvorcheskih-sposobnostei-u-detei-razvitie/>